

**Inatsisartut aalajangiiffigisassaattut siunnersuut: Meeqqanut ikiorsiinerit
pinasuartuunngitsut timikkut aammalu tarnip pissusaat pillugu
immikkoortortaarfimmuut innersuunneqarnermiit annerpaamik qaammat ataaseq
ingerlasimanissaanik anguniagalimmik innersuussinissaq kisitsisilersuinissarlu
siunertaralugu tarnip pissusaa pillugu aammalu meeqqat timikkut
nakorsiartarfianneersunik sukkasuumik suligasuartussanik suleqatigiissitaliornissamik
Naalakkersuisut pilersitsinissaat siunertaralugu Inatsisartut aalajangiiffigisassaattut
siunnersuut. Suleqatigiissitap taamatutaaq aningaasatigut sulisutigullu pisariaqartitat
ersarissassavaat. Suleqatigiissitap innersuussassat kisitsinerillu UPA 2023 nallertinnagu
naammassisimassavaat.**

(Inatsisartunut Ilaasortaq Anna Wangenheim, Demokraatit)

pillugu

Ilaqutariinnermut Peqqissutsimullu Ataatsimiititaliap

Siunnersuutip aappassaaneernejarneranut

ISUMALIUTISSIISSUTAA

Ataatsimiititaliap suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq

Inatsisartunut ilaasortaq Bjørk L. Kristensen, Demokraatit, siulittaasup tullia

Inatsisartunut ilaasortaq Hans Peter Poulsen, Siumut

Inatsisartunut ilaasortaq Mikivuk Thomassen, Inuit Ataqtigiit

Inatsisartunut ilaasortaq Eqaluk Høegh, Inuit Ataqtigiit

Inatsisartunut ilaasortaq Najaaraq Møller, Siumut

Inatsisartunut ilaasortaq Paneeraq Olsen, Naleraq

UKA2022-imi ulloq 13. oktober 2022-imi siullermeerinerup kingorna siunnersuut
ataatsimiititaliap misissorpaa.

Siunnersuutip imarisaa siunertaalu

Meeqqanut inuusuttunullu paasiniaaqqissaarnerit pinasuartuunngitsut qanoq
pitsaanerulersinneqarnissaannut katsorsaanerullu qaammatip ataatsip iluani
aallartinneqartalernissaanut suleqatigiissitamik kaammattuutininik naatsorsuusiornermillu
suliaqartussamik pilersitsisoqarnissaa siunnersuuteqartup siunnersuuteqarnermigut kissaatigaa.

Siunnersuutip Inatsisartunit siullermeerneqarnera

Siullermeerinninnermi immikkoortoq, immikkoortunut 30-imut aamma 89-imut ilanngullugu ataatsimoortillugit oqaluuserineqarput.

Siunnersuutit pingasuusut suliarinerinerini meeqqat inuusuttullu tarnimikkut nappaatillit nappaatillillu qulaajaavigineqartarnerinut katsorsarneqartarnerinullu atugassarititaasut pitsanngorsaavigineqarnissaat tapersorsorluarneqarpoq. Meeqqanut tarnimikkut napparsimasut nappaatillillu angajoqqaavinut pitsaanerusumik paasissutissiisoqartarnissaa ikiorsiisoqartarnissaalu ilanngullugu oqaatigineqarpoq.

Immikkoortoq 78-imut Naalackersuisut ima allannguutissatut siunnersuuteqarput:

”Naalackersuisut Dronning Ingridip Napparsimavissuani nuna tamakkerlugu meeqqanut immikkoortorta qarfimmik pilersitsinikkut atugassarititaasunik pitsanngorsaanissaannik aammalu Meeqqanut Inuusuttunullu tarnip pissusaanut ilisimasalinni atugassarititaasut utaqqisarnerillu sivikillisinnissaannut peqquneqarnissaannik Inatsisartut aalajangiiffigisassaattut siunnersuut. Tamatuma saniatigut suliamut ilisimasatigut piginnaasanik isumalluutinillu pisariaqartitsisoqassappat, taakku misissoqqissaarneqassapput taamaalilluni paasiniaaqqissaarnissat pinasuannigitsut annerpaamik qaammammik ataatsimik sivistigisumik utaqqineqartalerniassammata. Naalackersuisut nassuiaammik, aningaasaqarnikkut naatsorsuinernik imalimmik kingusinnerpaamik UPA2024-mi saqqummiissapput.”

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunnigortinneqarnissaanut aningaasatigut allaffissornikkullu kingunerisassai siunnersuummut tunngavilersuutinut allanngassatut..

Siullermeerinninnermi akissuteqaammi Meeqqanut, Inuusuttunut, Ilaqutariinnermut Peqqissutsimullu Naalackersuisup paasissutissiissutigaa, meeqqanut tarnimikkut nappaatilinnut suliniutinut 3 mio. kr.-t AIS2023-imut immikkoortinneqarsimasut.

Konto pingarneq 20.11.70-imi “Meeqqanut tarnimikkut napparsimasunut suliniutit”-nut aningaasanik immikkoortitsisoqarsimasoq takuneqarsinnaavoq.

Siullermeerinninnermi Meeqqanut, Inuusuttunut, Ilaqutariinnermut Peqqissutsimullu Naalackersuisup akissuteqaammimi oqaatigaa AIS2023-imut Dronning Ingridip Napparsimavissuani nuna tamakkerlugu meeqqanut immikkoortorta qarfimmik pilersitsinissamut 8,7 mio. kr.-inik immikkoortitsisoqarsimasoq.

Aningaasaqarnermut Akileraartarnermullu Ataatsimiititaliap konto pingaarneq 34.11.03, Dronning Ingrid-p Napparsimavissua (Ingerlatsinerneq aningaasaliissutit) aningaasarsianut aningaasartuutit qaffaataat Aningaasaqarnermut Naligiissitaanermullu Naalakkarsuisup nassuiaaneratut, meeqqanut immikkoortortaarfimmi sulisunut 8.7 mio. kr. aningaasarsianut aningaasartuutit ilaatigut immikkoortinneqarsimapput.

Ataatsimiititaliap taamaattumik sukumiisumik isumaliutigisimavaa siunnersuutip piviusunngortinneqarnera aningaasaliissutaareersut saniatigut qanoq aningaasatigut kinguneqassanersoq. Tamanna tunngavigalugu aalajangiiffigisassatut siunnersuutigineqartut akuerineqarnerisigut aningaasat AIS2023-imut immikkoortinneqareersut saniatigut annertunerusumik aningaasatigut kinguneqarnaviangitsut ataatsimiititaliamit nalilerneqarpoq.

Allakkatigut apeqquteqaatit

Ataatsimiititaliap suliaqarnermini allakkatigut apeqqutinik arlalinnik Naalakkarsuisumut nassiussaqarpoq. Taakku isumaliutissiisummut ilanngussatut 1-tut kakkiunneqarput. Siunnersuereernerup kingorna allakkatigut apeqquteqaqqittoqarpoq taakkulu isumaliutissiisummut ilanngussaq 2-tut kakkiunneqarput.

Sassartitsinerit

Ataatsimiititaliap suliarinninnermini uku sassartippai (Meeqqanut, Inuusuttunut, Ilaqutariinnut Peqqissutsimullu Naalakkarsuisumit peqataaffigineqartumik):

- Peqqinnissaqarfimmi aqutsisut
- Tarnimikkut nappaatilinnik sullissineri aqutsisut

Tarnimikkut nappaatilinnut suliaqarfimmi ingerlatsineq, matumani ilanngullugit sulisut amerlassusaat, sulisussarsiornermi unammilligassat kiisalu ullumikkut ajornartorsiutaasut pilugit paasissutissanik ataatsimiititaliap pissarsitinneqarpoq. Napparsimasunut tamanut misissuisarnissap- katsorsaasarnissap- aamma malitseqartitsinissamut neqerooruteqartarnissap attatiinnarneqarnissaanut annertuumik unammilligassaqarmat pingaartumillu aasaanerani unamminartartoq ataatsimiititaliap paasilluarpa. Sulineri atugassarititaasut annertuumik ajornartorsiutaapput tarnimikkullu nappaatilinnut tunngasunik ineriartortitsiniarnermi annertuumik aporfiusarlutik. Immikkoortut 30, 78 aamma 89-p piviusunngortinniarneqarnerinut annertuumik tamanna ajornartorsiutaasoq ataatsimiititaliap naliliivoq.

Siunersiuineq

Meeqqanut, Inuusuttunut, Ilaqutariinnermut Peqqissutsimullu Naalakkersuisoq ulloq 10. marts ingerlanneqartumut ataatsimiititaliamit aggersarneqarpoq. Ataatsimiititaliap apeqquteqaatai Naalakkersuisullu akissuteqaatai isumaliutissiisummut ilanngussaq 3-tut ilanngunneqarput.

Ataatsimiititaliap siunnersuummik suliarinninnera

UPA2024-mut tunniussivissap killilerneqarsimanerata saniatigut allannguutissatut siunnersuutigineqartoq siunnersuutaqqaartup imarisaanut malunnaatilimmik allaanerunngitsoq ataatsimiititaliap maluginiarpaa.

Meeqqanut immikkoortortaqarfissaq pillugu ataatsimiititaliap apeqquteqaataanut, meeqqanut immikkoortortaqarfik meeqqanut angajoqqaavinullu pitsaanagerusumik sinaakkutaqalernissaannut periarfissaqalissasoq aammalu meeqqat nakorsaattut misilittagalinnik sulisussarsiornermi pilerisaarinermi pitsaanagerusumik periarfissaqalernissaa Naalakkersuisut oqaatigaat. Inissat arfineq pingasut maanna illuutigisami atuuttumi inissisimasussamik pilersinneqarsinnaaneri naatsorsuutigineqarpoq. Immikkoortortaqarfimmi meeqqat amerluuteqartut pitsaanagerusumik suliarineqartalernissaanut, immikkoortortaqarfimmi peqqissaasunik, peqqissaanermillu ikiortinik, perorsaasunik kiisalu nakorsanik immikkut ilinniarsimasunik/meeqqat nakorsaannik inuttalerneqarnissaanut periarfissaqalissasoq Naalakkersuisut ilanngullugu oqaatigaa.

Peqqinnissaqarfimmi meeqqanut inuusuttunullu tunngasuni annertunerusumik pitsanngorsaansamut suliniuteqartoqarnissaanut, matumani ilanngullugu pinasuartuunngitsut utaqqisinneqartarnerisa sivikillineqarnissaanut suliamut ilisimasallit isumalluutillu pisariaqartinneqartut misissueqqissaarfiginissaannut Naalakkersuisut allannguutissatut siunnersuutaat kinguneqassaaq. Naalakkersuisut immikkoortoq 78-imut allannguutissatut siunnersuutaata piviusunngortinniarnearneranut AIS2023-imut aningaasat immikkoortinneqartut tapertaasussaasut ilanngussaq 2-mi allassimavoq. Tamatumalu saniatigut allassimavoq siunnersuutaqqaartoq piviusunngortikkuminaassasoq suleqatigiinnut ilaalersussanik sulisussaaleqisoqarnera pissutigalugu.

Ataatsimiititaliap inassuteqaatai

- Ataatsimiititaliap isumaqatigiittup Naalakkersuisut allannguutissatut siunnersuutaat akuerineqassasoq inassutigaa

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Mala Høy Kúko
Siulittaasoq

Bjørk L. Kristensen
Siulittaasup tullia

Hans Peter Poulsen

Najaaraq Møller

Mikivsuk Thomassen

Eqaluk Høegh

Paneeraq Olsen



Meeqqanut, Inuusuttunut, Ilaqutariinnut
Peqqissutsimullu Naalakkersuisoq
pn@nanaq.gl

Ulloq: 01-11-2022

J.nr.:01.38.01.03-00161

Ataatsimiititaliap suliaqarnerminut atatillugu apeqquteqaatit

Immikkoortunik 30, 78 aamma 89-imik ataatsimiititaliap suliaqarneranut atatillugu Ilaqutariinnermut Peqqissutsimullu Ataatsimiititaliaq allakkatigut apeqquteqarniarpoq. **Inatsisartuni aappassaaneerinissaq eqqarsaatigalugu ajornanngippat suliffiit ullut arfineq marluk iluini ataani allassimasut akineqarnissaat ataatsimiititaliap kissaatigaa.**

1. Meeqqat ADHD-qartut aamma autismeqartut taakkulu siusissukkut nappaataasa suussusersiniarneqarnissaannut pilersaarummut tunngassuteqarpoq, imm. 89 -mi meeqqanut ADHD-qartunut, ADD-qartunut, autismeqartunut aamma/imaluunniit angsteqartartunut immikkut ilisimasalinnik 1. juni 2023-i nallertinnagu kaammattuuteqartussanik pilersitsinissamut imm. 30-imi pineqarput. Siunnersuutitut marlunnut allannguutissatut siunnersuutitut kingusinnerpaamik UPA2024-imut piffissaliisimanerminut atatillugu ataatsimiititaliaq apeqquteqarumavoq. Akissuteqaammi aamma allassimasoqarpoq AIS23-imut aningaasanik pingaarnersuisoqarnissaa kissaatigineqarpoq. Taama pilersaaruteqarnerminut tunngavisoq sukumiinerusumik nassuiarneqarnissaa ataatsimiititaliap kissaatigaa.
2. Peqqinnissaq Pillugu Ataatsimiititaliarsuaq ukioq 2023-imi kaammattuutiminik saqqummiussaqaarniarpoq. Tassunga atatillugu tarnimikkut nappaatilinnut sullissinerup iluani suliniuteqartoqarniarnersoq taakkulu 2023-mi atuutilersinniarneqarnersut nassuiaatigineqarnissaat ataatsimiititaliap kissaatigaa?
3. Ineriartortitsinissamut pilersaarut pillugu Naalakkersuisunit imaluunniit ilinniagaqassuseq tunngavigalugu peqqinnissakkut sullissisunit/peqqinnissakkut sullissisunit suliarniarneqarnersoq ataatsimiititaliamit qulakkeerumaneqarpoq?
4. Immikkoortoq 30-imut tunngatillugu ataatsimiititaliamit paasineqarpoq, suliarnik aallartitsinissaminnut Naalakkersuisut piareersimasut, ima paasisariaqarpa ADHD-tut aamma autismeqartut kisiisa pingaarnertut sullinniarneqartut?
5. Imm. 78: "Nuna tamakkerlugu meeqqanut immikkoortortaqaarfik"-immut tunngatillugu uninngaviit M2 aamma K3 meeqqanut suliassaqaarfimmik isumaginnereersut saniatigut immikkoortortaqaarfiup sorliup suliassaqaarfik akisussaaffigissaneraa ataatsimiititaliamit

paaserusunneqarpoq. Sumi inissinniarneqarpa aamma qanoq ilinniagaqarsimanissaq eqqarsaatersuutigineqarsimava?

6. Meeqqanut immikkoortortaqaarfiit ataatsimoortinneqalissappata suliassaqaarfiit sorliit pingaarnerutinneqassappat?
7. Siunnersuutaqaartumi timikkut aamma tarnimikkut nappaatillit sullinneqarnerat sammineqarpoq, matumani UPA2023-i nallertinnagu suleqatigiissitaliaq innersuussutinik saqqummiussaqaassalluni, tamatuma saniatigut annertunerusumik ilinniakkatigut piginnaasalinnik pisariaqartiitsineq pillugu meeqqanut immikkoortortaqaarfimmik pilersitsinissamut misissueqqissaarnissamut kingusinnerpaamik UPA2024-mi Naalakkersuisut allannguutissatut siunnersuutigisaat kinguneqassava? Tamatuma tulleriissaarneqarnera tamatumunngalu tunuliaqutaasoq sukumiinerusumik itisiliivigineqarnissaa ataatsimiititaliap kissaatigaa?

Qulaani apequtigineqartut pillugit sapinngisamik piaartumik ataatsimiititaliap akissutisinissani kissaatigaa. Akissuteqaat kalaallisut danskisullu mika@inatsisartut.gl -imut aamma (inatsisartut@inatsisartut.gl) -imut nassiunneqarnissaat kissatigineqarpoq.

Qujareerlunga,

Ilaqutariinnermut Peqqissutsimullu Ataatsimiititaliap sinnerlugu
Inussiarnersumik inulluaqqusilungu

Anna Wangenheim
Siulittaasuugallartoq



Ilaqutariinnermut Peqqissutsimullu Ataatsimiititaliaq
inlun@ina.ala.gl, MIKA@inatsisartut.gl, inatsisartut@inatsisartut.gl

17-11-2022
Sullap nr. 2022 - 19561
All. nr. 21647486

**Ilaqutariinnermut Peqqissutsimullu Ataatsimiititaliamit UKA2022/30/78/89 pillugit
apeqqutinut akissuteqaatit**

Postboks 1160
Qqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Ilaqutariinnermut Peqqissutsimullu Ataatsimiititaliap apeqquteqaataanut qujanaq.
Apeqqutit tullinnguuttuni uteqqinneqarput akineqarlutillu.

- 1. Imm. 30 Meeqqat ADHD-qartut aamma autismeqartut taakkulu siusissukkut nappaataasa suussusersiniarneqarnissaannut pilersaarummut tunngassuteqarpoq, imm. 89 -mi meeqqanut ADHD-qartunut, ADD-qartunut, autismeqartunut aamma/imaluunniit angsteqartartunut immikkut ilisimasalinnik 1. juni 2023-i nallertinnagu kaammattuuteqartussanik pilersitsinissamut imm. 30-imi pineqarput. Siunnersuutitut marlunnut allannguutissatut siunnersuutitut kingusinnerpaamik UPA2024-imut piffissaliisimanermut atatillugu ataatsimiititaliaq apeqquteqarumavoq. Akissuteqaammi aamma allassimasoqarpoq AIS23-imut aningaasanik pingaarnersiuisoqarnissaa kissaatigineqartoq. Taama pilersaaruteqarnermut tunngavisoq sukumiinerusumik nassuiarneqarnissaa ataatsimiititaliap kissaatigaa.**

Akissut:

Meeqqat inuusuttunullu tarnimikkut nappaatillit atugaat meeqqanik inuusuttunullu tarnimikkut nappaatillit atugaasa nukittorsaasoqarnerisigut pissutsit tamakku pitsanngorsarneqartariaqartut Naalakkersuisut naliliippat. Taamaattumik 2023-mut Aningaasanut inatsimmi aningaasanik ilaatigut meeqqat inuusuttunullu tarnimikkut nappaatillit katsorsarneqartarnissaminut utaqqisartut utaqqisarnerisa sivikillineqarnissaannut atorneqassapput. Ilaatigut qulaajaanissamut sivikinnerusumik utaqqisarnerit pingaaruteqarput, taamaalillutik meeqqat inuusuttuaqgallu sukkanerusumik eqqortumik ikiorsinnaaniassagatsigit.

Meeqqanik inuusuttuaqqanillu tarnimikkut nappaatillinnik pingaarnersiuisoqartariaqarnerata saniatigut Peqqinnissaqarfimmi tarnimikkut napparsimasut pingaarnermik ineriartortitsinissanik pisariaqartitsisoqartoq Naalakkersuisut nalilerpaat. Taamaattumik UKA2022/30/89-mut Naalakkersuisut allannguutissatut siunnersuummik saqqummiussaqqarput, tassani kingusinnerpaamik UPA2024-mut ineriartortitsinissamik pilersaarut saqqummiunneqassaaq, tarnimikkullu napparsimasut pitsaanerusumik sumiissusersineqartarnissaat, qulaajaaffigineqartar-

nissaat katsorsarneqartarnissaallu pillugit suliniutissatut siunnersuutininik saqqummiussisoqassalluni.

- 2. Peqqinnissaq Pillugu Ataatsimiititaliarsuaq ukioq 2023-imi kaammattuutiminik saqqummiussaqaarniarpoq. Tassunga atatillugu tarnimikkut nappaatilinnut sullissinerup iluani suliniuteqartoqarniarnersoq taakkulu 2023-mi atuutilersinniarneqarnersut nassuiaatigineqarnissaat ataatsimiititaliap kissaatigaa?**

Akissut:

Peqqinnissaq pillugu ataatsimiititaliami sulineq politikikkut suliassatut akuersissutigineqarnerat aallaavigineqarpoq. Peqqinnissaq pillugu ataatsimiititaliaata isumaliutissiissu-taa 2023-mi Upernaakkut Inatsisartut ataatsimiinnissaannut tigonissaa Naalakkersuisut naatsorsuutigaat, kisianni Peqqinnissaq pillugu ataatsimiititaliap isumaliutissiissuutissaa-ta imarisasaanut Naalakkersuisut sunniuteqanngillat.

Peqqinnissaq pillugu ataatsimiititaliami sammisaq "Kalaallit Nunaanni tarnimikkut nappaatilinnik katsorsaasarnert aamma tarnimikkut erloqissutillit" juni 2021-mi ataatsimiinnermi oqaluuserineqarsimasoq paasissutissiissutigineqarsinnaavoq¹.

Tamatuma saniatigut Peqqinnissaq pillugu ataatsimiititaliami politikikkut malinnaatitsisoqatigiit Naalakkersuisunit innersuunneqarput.

- 3. Ineriartortitsinissamut pilersaarut pillugu Naalakkersuisunit imaluunniit ilinniagaqassuseq tunngavigalugu peqqinnissakkut sullissisunit/peqqinnissakkut sullissisunit suliariniarneqarnersoq ataatsimiititaliamit qulakkeerumaneqarpoq?**

Akissut:

Peqqinnissaqarfimmi sulisut attuumassutillit tarnimikkut nappaatilinnik suliaqartut Peqqinnissaqarfimmi tarnimikkut nappaatilinnik sullissinermi ineriartortitsinissanut pilersaarusiornernut peqataatinneqarnissaat Naalakkersuisut aalajangiisuulluinnartutut isigaat.

- 4. Immikkoortoq 30-imut tunngatillugu ataatsimiititaliamit paasineqarpoq, suliamik aallartitsinissaminnut Naalakkersuisut piareersimasut, ima paasisariaqarpa ADHD-tut aamma autismeqartut kisiisa pingaarnertut sullinniarneqartut?**

Akissut:

Naalakkersuisut UKA2022/30/89-imut allannguutissatut siunnersuuteqarnermikkut Peqqinnissaqarfimmi tarnimikkut nappaatilinnik sullissinerisa pingaarnertut ineriartortitsinissanik pilersaarummik aallartitsisoqarnissaa kissaatigaa. Pilersaarut pitsaanerusemumik paasiniaasarnissamut, paasiniaaqqissaartarnermut tarnip pissusaanillu ilisimasalimmit katsorsaasarnermut suliniutissatut siunnersuutininik tigussaasunik qitiutitsiffiussaaq.

¹ SuKo allakkiaq nr. 7 Kalaallit Nunaanni tarnimikkut nappaatilinnik katsorsaasarnert aamma tarnimikkut erloqissutillit - Peqqinnissaq pillugu ataatsimiititaliap juni 2021-mi ataatsimiinneq – [link](#).

Aammattaaq apeqqut 1-imut akissut takuuk.

- 5. Imm. 78: "Nuna tamakkerlugu meeqqanut immikkoortorta qarfik"-immut tunngatillugu uninngaviit M2 aamma K3 meeqqanut suliassa qarfimmik isumaginnereersut saniatigut immikkoortorta qarfiup sorliup suliassa qarfik akisussaaffigissaneraa ataatsimiititaliamit paaserusunneqarpoq. Sumi inissinniarneqarpa aamma qanoq ilinniagaqarsimanissaq eqqarsaatersuutigineqarsimava?**

Akissut:

Nuna tamakkerlugu meeqqat maannakkuugallartoq, Nakorsaatinik Katsorsartittut Immikkoortorta qarfianni, M2-miittumi inersimasunik peqateqarlutik unitsinneqartarput, tamatumani siniffiit meeqqanut angajoqqaanullu sallitinneqartarput. Meeqqanut immikkut namminerisamillu immikkoortorta qalerneq misissortinnissamut - aamma katsorsartinnissamut pitsaanerulersitsissaaq, aamma misissortinnissamut, katsorsartinnissamut isumagineqarnissamullu meeqqat immikkut pisariaqartitaat pitsaanerusumik periarfissinneqarnissaat naammassineqarsinnaalissaaq. Meeqqanut immikkoortumi meeqqat ataasiakkaat inissaqartilluarnissaannut periarfissaqalissaaq taamaalillutillu aamma ilaqutariit qitiutinneqalerlutik. Tamanna ilutigalugu meeqqanik nakorsaasarnernik misillitagalinnik aamma meeqqanik nakorsaasarnep suliassa qarfianni ineriartortitsinissamik ilinniartitaanissamillu immikkut soqutigisaqartunik sulisussarsiorneq ajornarunnaassaaq taamaalillunilu immikkoortotami nammineertumi meeqqanut naleqqussakkanik suliniuteqarnissanut tunngavissiisinnaasunik.

Nuna tamakkerlugu meeqqanut immikkoortorta qarfik arfineq-pingasunik siniffeqassaaq taakkulu maannakut iluutigineqartuni inissaqartinneqassapput. Illuutit ilaannik allangortiterinerit aallartinneqarsimapput, taamaalillutik meeqqanut immikkoortotamut ammaanissamut illuutitigut akornutissaqanngilaq.

Meeqqanut immikkoortorta qarfirmi aamma meeqqat amerluttut katsorsarneqarnissaat tunngavissinneqarsinnaavoq, tassami suliassa qarfik amerlanerusunik sulisoqalersussaammat.

Sulisunut aningaasartuutit tullinnguuttunut immikkoortitigaapput: peqqissaasut, peqqinnissamik assistentit, perorsaasut, nakorsat immikkut ilinniarsimasut/meeqqanik nakorsaasartut.

Aningaasaliissutit 8,7 mio. kr.-usut akissarsianut aningaasartuutitut 8,5 mio. kr.-nik agguataagaapput (nammineq aningaasaliissutigisat iluini akissarsianut aningaasartuutit 1 mio. kr.-nik ilalugit) aamma ingerlatsinermut 200.000 kr.-t.

- 6. Meeqqanut immikkoortorta qarfiit ataatsimoortinneqalissappata suliassa qarfiit sorliit pingaarnertinneqassappat?**

Akissut:

Apeqqut 5-imut akissutigineqartumut innersuunneqarpoq.

- 7. Siunnersuutaqaartumi timikkut aamma tarnimikkut nappaatillit sullinneqarnerat sammineqarpoq, matumani UPA2023-i nallertinnagu suleqatigiissitaliaq innersuussutinik saqqummiussaqaassalluni, tamatuma saniatigut annertunerusumik ilinniakkatigut piginnaasalinnik pisariaqartiitsineq pillugu meeqqanut immikkoortorta qarfimmik pilersitsinissamut misissueqqissaarnissamut kingusinnerpaamik UPA2024-mi Naalakkersuisut allannguutissatut siunnersuutigisaat**


**kinguneqassava? Taamatut tulleriaarinerup tamatumunngalu pissutaasup
itisilerneqarnerunissaat Ataatsimiititaliamit kissaatigineqarpoq?**

Akissut:

Naalackersuisut 2023-mut Aningaasanut Inatsisissatut Siunnersuummut suliniutinik marlunnik saqqummiipput, taakkulu maannakkut Peqqinnissaqarfimmi meeqqat inuusuttullu atugaasa pitsanngorsarneqarnissaannut siunertaqarput. Taamaattumik Naalackersuisut kissaatigaat aningaasanik immikkoortitsisoqassasoq taamaalilluni Dronning Ingridip Napparsimmavissuani nuna tamakkerlugu meeqqanut immikkoortortamik pilersitsisoqassasoq aamma Meeqqat Inuusuttuaqqallu tarnimikkut nappaatillit atugaat pitsanngorsarneqassasut.

Tamanna ilutigalugu Naalackersuisut paasivaat peqqinnissaqarfimmi meeqqanik inuusuttuaqqanillu suli pitsanngorsaasoqaqqittariaqartoq, misissortinnissanullu pinasuannngitsunut utaqqineq sivikillingaatsiassappat suliatigut piginnaasat nukiillu pisariaqartitat suunersut qulaajarneqartariaqarput. Nassuiaat aningaasatigut naatsorsuutilik kingusinnerpaamik UPA2024-mi saqqummiunneqassaaq.

Inussiamersumik inuulluaqqusillunga


Mimi Karlsen

Peqqissutsimut Naalackersuisoq

Ilanngussaq Bilag

Naalakkersuisoq for Børn, Unge, Familier og Sundhed
Meeqqanut, Inuusutunut, Ilaqutariinut Peqqissutsimullu Naalakkersuisoq

NAALAKKERSUISUT
GOVERNMENT OF GREENLAND



2

Ilaqutariinnermut Peqqissutsimullu Ataatsimiititaliaq
MIKA@ina.ala.gl

Tarnikkut nappaatilinnut sullissinnermut tunngasumik 3. april 2023-mi saaffiginnissummut akissuteqaat

18-04-2023
Sullap normua 2023 - 6787
All. nr. 22854623

Ilaqutariinnermut Peqqissutsimullu ataatsimiititaliap ulloq 3. april 2023-mi
saaffiginnissutaanut siunersuineq 10. marts 2023-mi ingerlanneqartumut apeqqummut
6-imut tunngasumik Naalakkersuisut tigusaminnut qujapput.

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanaq.gl
www.naalakkersuisut.gl

Oqaatigineqassaaq ataatsimiititaliap apeqqutaanut tamanut allakkatigut akissutit
ataatsimoortut ataatsimiititaliamut 16. marts 2023-mi nassiunneqarmata.

Naalakkersuisut soorunami sapinngisamik erseqqissumik piaartumillu
akissuteqarusuttarput. Pisumi tassani ataatsimiititaliap apeqqummut 6-imut ilaanut
akissut naammaginngitsoq innersuuppaa: "Taama nalunaaruteqarnissaq siunissamilu
suliniutaasussanut, aalajangiiffigisassatullu siunnersuutinut pineqartunut
siunertarineqartunut qanoq sunniuteqassava?"

Apeqqutit akissutillu ataatsimoortut imaapput:

**"6. Peqqinnissaqarfiup ilinniarsimasunik sulisussarsiornerani
unammilligassat aammalu sassartitsinnermut atatillugu
Naalakkersuisup oqaatigaa pingaarnersuinermi nalunaarsuiffik
ersarissuq pillugit qaqugu tamanut nalunaarutiginissaat qaqugu
pinissaa Naalakkersuisut naatsorsuutigaa? Taama
nalunaaruteqarnissaq siunissamilu suliniutaasussanut,
aalajangiiffigisassatullu siunnersuutinut pineqartunut
siunertarineqartunut qanoq sunniuteqassava?"**

Akissut:

Peqqinnissaqarfimmi sulisussarsiornermik unammilligassat pillugit
Naalakkersuisut ulloq 3. marts 2023 tusagassiorfinnut nalunaarummi
ilisimatsissuteqarput. Tassani takuneqarsinnaavoq peqqinnissaqarfimmi
ajornartorsiuutit qaangerniarlugit suliniutit aalajangersimasut pingasut
aallartinneqartut.

- 1) Kalaallit Nunaat tamakkerlugu nakorsanut taartaasartunullu
ikorfartuinnermut qulakkeerinnittussamik nakorsat immikkut ilisimasallit
aalajangersimasut pigaartuusarnissaannik aaqqissuussinissaq
sulissutiginiarneqarpoq.
- 2) Nunap immikkoortuini nalinginnaasumik sulinerup
nukittorsarneqarnissaa sulissutigineqarpoq, taamaalilluni innuttaasut
ulluinnarni nappaatiminnik iliuuseqarfiginninniarnannut atatillugu
pisariaqartitaannut tunngatillugu pitsaanerusumik
iliuuseqartoqassammat
- 3) Innuttaasut sapinngisamik piaartumik eqqortumik
katsorsarneqarnissaat qulakkeerniarlugu pinasuartumik
pilattaasernerit qitiusumut katersornissaat sulissutigineqarpoq.

Tamatuma saniatigut tarnimikkut nappaatilinnut immikkoortortaarfimmi peqqinnissaqarfimmi sulisunut attuumassutilinnut paarlaasarnermut aaqqissuussisinnanissamut ikiorneqarnissamik Naalackersuisut danskit naalagaaffiannit oqaloqateqarput.

Tamatuma saniatigut Naalackersuisut paasissutissiissutigisinnaavaat Inatsisartuni ilaasortanik oqalliseqateqarnissamut peqqinnissaqarfimmut pinasuartumik aningaasaliinissap nutaap saqqummiunnissaa piareersarneqarmat."

Qulaani itisiliinermut tunngasunut atatillugu Ilaqutariinermut Peqqissutsimullu Ataatsimiititaliaq kissaatigigunarpaa aalajangiiffigisassatut siunnersuutit oqaluuserisassat 30/78/89-mut tunuliaqutaasut akissutissarsiffiginarlugit, tamatumani pineqarput peqqinnissaqarfimmi sulisussarsiornermi unammillernartut suliniutit/siunertarineqartut sunnerneqartarnersut.

Ilaqutariinermut Peqqissutsimullu Ataatsimiititaliamik siunersueqatigiinnermit 10. marts 2023-imi pisumit apeqqummut 1-imut akissummi nassuiarneqarpoq tarnikkut nappaatilinnut sullissinermi pingaarnertut ineriartortitsinissamut suliaqartussami avataanit misissueqqissaartartut isumaqatiginninniarfigineqarput.

"Tamatuma kingorna Naalackersuisut misissueqqisaarnermik suliaqartartoq avataaneersoq peqatigalugu tarnimikkut nappaatilinnik sullissinermi ineriartortitsinissamut pilersaarusiorneq pillugu Naalackersuisut isumaqatiginninnialersimapput. Suliniutip 2023-mi ukiup affaani siullermi aallartinneqarnissaa aammalu 2024-p aallartinnerani naammassineqarnissaa naatsorsuutigineqarpoq."

Ilaqutariinermut Peqqissutsimullu Ataatsimiititaliamik siunersueqatigiinnermit 10. marts 2023-imi pisumit apeqqummut akissummi aamma nassuiaatigineqarpoq UKA2022/30/89-mut aalajangiiffigisassatut siunnersuummik ineriartortitsinermut pilersaarusiornissamut piviusunngortitsinissamut annerusumik aporfissaqanngitsutut nalilerneqarmat.

"3. Piviusunngortitsinissamut aporfeqarnerseq pillugu nassuiaasoqarnissaanik Naalackersuisoq qinnuigineqarpoq:

- *siunnersuutaaqqaartut, tassalu immikkoortut 30, 78 aamma 89*
- *Naalackersuisut namminneq allannguutissatut siunnersuutaat*

Matumani tarnimikkut nappaatilinnik sullissinermi sulisussanik/imaluunnit aningaasanik/napparsimasunut tamanut atuuttumik immikkut iliuusissanik ineriartortitsinissamut nukiiit amigaataanerat eqqarsaatigalugu?

Akissut:

Naalackersuisut isumaqanngillat ineriartortitsinissamut pilersaarusiornermut tunngatillugu UKA2022/30/89-imut allannguutissatut siunnersuutip piviusunngortinnissaanut annertuumik aporfeqassasoq. Siuliani apeqqummut 1-imut akissummi allaaserineqartutut tamatumunnga aallarniutaasumik suliaqarneq aallartinneqareerpoq, taamaalilluni UPA2024-mi saqqummiunneqarsinnaassaaq.

*AI2023-mi meeqqat inuusuttullu tarnimikkut nappaatillit
sullinneqarnissaminnut utaqqisarnerisa sivikillisinneqarnissaanut ukiumut
3,0 mio.kr.-t kiisalu Dronning Ingridip Napparsimmavissuani nuna
tamakkerlugu meeqqanut immikkoortortamik pilersitsinermut ukiumut 8,7
mio.kr.-t aningaasat immikkoortinneqarsimasut UKA2022/78-mut
allannguutissatut siunnersuummut piviusunngortitsinissamut
tapiutaassapput.*

*Tarnimikkut napparsimasut immikkoortortaqaarfianni inuttaqarniarnikkut
pissutsit pissutigalugit UKA2022/78-imi aallaqqaammut
aalajangiiffigisassatut siunnersuutip piviusunngortinnissaanut aporfeqartoq
Naalackersuisut naliliipput. Allatut oqaatigalugu siunnersuummi
oqaatigineqartutut tarnimikkut nappaatilinnik sullissinermi sulisunik
suleqatigiissitamut ilanngussinissaq ajornakusoorpoq. Periarfissatut allatut
sulisut misilittagaat tarnimikkut nappaatilinnik sullissinermut
ineriartortitsinissamut pilersaarummut ilanngunneqarsinnaapput, soorlu
tamanna UKA2022/30/89-imi allannguutissatut siunnersuuteqarnermi
allaaserineqartoq, taannalu avataanit suleqataasartumit suliarineqarpoq."*

*Siunnersuummi allaaserineqartutut piffissaliussap sivikinnera
eqqarsaatigalugu 2022/89-ip aallaqqaammut aalajangiiffigisassatut
siunnersuutip piviusunngortinnissaanut aporfeqartoq Naalackersuisut
naliliipput. Taarsiullugu tarnimikkut nappaatilinnik sullissinermut
ineriartortitsinissamut pilersaarutip UPA2024-mi saqqummiunneqarnissaa
naatsorsuutaavoq.*

Naalackersuisut neriuutigaaq una itisiliineq akissummut erseqqissaataassasoq.

Inussiarnersumik inuulluarit



Mimi Karlsen

Meeqqanut, Inuusuttunut, Ilaqutariinnut Peqqissutsimullu Naalackersuisoq



Meeqqanut, Inuusuttunut, Ilaqutariinnermut
Peqqissutsimullu Naalakkersuisoq
pn@naaq.gl

Ulloq: 07-03-2023

J.nr.: 01.38.01.04-00040

Ilaqutariinnermut Peqqissutsimullu Ataatsimiititaliap tallimangornermi ulloq 10. marts 2023, nal. 13.00-imiit 14.00-imut ataatsimiittarfik Erling Høeghimi siunersiuinissaanut aggeqqusissut

Ilaqutariinnermut Peqqissutsimullu Ataatsimiititaliap siunersiuinissaanut Meeqqanut, Inuusuttunut, Ilaqutariinnermut Peqqissutsimullu Naalakkersuisoq matumuuna aggersarpaa.

Siunersiuinermi immikkoortut **EM2022/30+78+89** oqaluuserinissaat ataatsimiititaliamit kissaatigineqarpoq:

1. Apequtigineqartumut siullermut 17. november 2022-imi allakkatigut akissutigineqartooq matumani meeqqanut inuusuttunullu tarnimikkut nappaatillit sullinneqarnissaminut utaqqisarnerisa sivikillisinneqarnissaat 2023-imut Aningaasanut Inatsimmi ilaatigut immikkoortitsisoqarsimanera innersuussutigalugu Naalakkersuisumit itisilerneqarnissaa aallarniutigalugu ataatsimiititaliamit kissaatigineqarpoq?
2. Ulloq 20. februar sassartitsineri aningaasat immikkoortinneqarsimasut suli atorineqarsimangitsut ataatsimiititaliamit paasineqarpoq. Atorfiit inuttassarsiorneqarsinnaannginnerinik, atorfiit inuttalerneqarnissaannut aningaasarsiasaqartitsinnginnermik, ASA-llu annertuumik ajornartorsiutaaneramik, aamma peqqissutsimut sullissisunik isumaqatigiissuteqarniarnermi ajornartorsiuteqarnermik tamanna kinguneqarpoq, taamaalilluni suli annertunerusumik sulisussarsiornermi periarfissat unamminarnerulerlutik. Ullumikkornit pitsaanerusumik periuseqarnissaq pillugu aamma aningaasaliissutigineqartut aningaasallu atorineqarsimanginneri pillugit Naalakkersuisoq nassuiaaqquneqarpoq.
3. Piviusunngortitsinissamut aporfeqarnerisooq pillugu nassuiaasoqarnissaanik Naalakkersuisoq qinnuigineqarpoq:
 - siunnersuutaaqqaartut, tassalu immikkoortut 30, 78 aamma 89
 - Naalakkersuisut namminneq allannguutissatut siunnersuutaat

Matumani tarnimikkut nappaatilinnik sullissineri sulisussanik/ imaluunniit aningaasanik/ napparsimasunut tamanut atuuttumik immikkut iliuusissanik ineriartortitsinissamut nukiit amigaataanerit eqqarsaatigalugu?

4. Siunnersuutigineqartut piviusunngortinneqarnissaannut aningaasat amigaataasimanersut imaluunniit siunnersuutigineqartut piviusunngortinneqarnissaannut sulisunik amigaateqarneq pissutaanersoq pillugu Naalakkersuisoq nassuiaaqquneqarpoq?
5. Immikkoortuni 30 aamma 89 siusinnerusukkut suussusersiniaanermik siusinnerusumik piffissaatillugulu ikiorsiisarnissap sammineqarnissaa pineqarput. Suliassaqarfiit akimorlugit suleqatigiinnermut tunngatillugu pitsaaneruseqarpoq Naalakkersuisut qanoq qulakkeerinninniarpat, pingaartumik napparsimmavinnut perorsaasutut ilinniarsimasunik ikiorserneqarnissamut pisinnaatitaaffeqarnermut, MSI aammalu meeqqat atuarfiinik suleqateqarnermut tunngatillugu?
6. Peqqinnissaqarfiup ilinniarsimasunik sulisussarsiornerani unammilligassat aammalu sassartitsinnermut atatillugu Naalakkersuisup oqaatigisa pingaarnersiuiinnermi nalunaarsuiffik ersarissaq pillugit qaqugu tamanut nalunaarutiginnissaat qaqugu pinissaa Naalakkersuisup naatsorsuutigaa? Taama nalunaaruteqarnissaq siunissamilu suliniutaasussanut, aalajangiiffigissatullu siunnersuutitut pineqartunut siunertarineqartunut qanoq sunniuteqassava?
7. Qulaani taaneqartunut attuumassuteqarsinnaasunik allanik Naalakkersuisut paasissutissiisinnappat?

Siunnersuinerup ingerlanerani malitseqartitsissutaasunik apeqquteqartarnissani ataatsimiititaliap naatsorsuutigaa.

Ataatsimiititaliap aamma Meeqqanut, Inuusuttunut, Ilaqutariinnut, Peqqissutsimullu Naalakkersuisup akornanni siunnersuinnermi sapinngisamik naalakkersuinnermut pissutsinik oqaloqatigiinnertut iluseqarnissaa ataatsimiititaliamit anguniarneqarpoq – tassa pingaarnersiuiinnerit anguniakkallu. Oqaloqatigiinnerit sapinngisamik atuffasserpalaartuunnginnissaat kissaatigineqarpoq.

Apeqqutigineqartut qulaani taaneqartut pillugit (kalaallisut danskisut) allakkatigut piaartumik akissutisinnissani ataatsimiititaliamit qinnutigineqarpoq. Akissuteqaatit qarasaasiakkut ataatsimiititaliap allattaanut inatsisartut@inatsisartut.gl-mut aamma Inatsisartunut mika@ina.alfa.gl-mut kingusinnerpaamik siunnersuinerup kinguninngua nassiateqquneqarput. Allakkiaq nassarneqassappat siunnersuinnermilu atorneqarluni siunnersuinerup aallartinginnerani assilnera ataatsimiititaliap nutserisuanut tunniunneqassaaq.

Inussiarnersumik inuulluaqqusillunga



Mala Høy Kúko

Ataatsimiititaliap siulittaasua

2/2



Ilaqutariinnermut Peqqissutsimullu Ataatsimiititaliaq

Ulloq 10. marts 2023 Ilaqutariinnermut Peqqissutsimullu Ataatsimiititaliap isumasioqatigineranut apeqqu-teqaataanut akissuteqaat

16-03-2023
Sullap normua 2023 - 5508
All. nr. 22762574

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@naaog.gl
www.naalakkersuisut.gl

1. Apeqqu-tigineqartumut siullermut 17. november 2022-imi allakkatigut akissutigineqartoq matumani meeqqanut inuusuttunullu tarnimikkut nappaatillit sullinneqarnissaminut utaqqisarnersa sivikillisinneqarnissaat 2023-imut Aningaasanut Inatsimmi ilaatigut immikkoortitsisoqarsimanera innersuussutigalugu Naalakkersuisumit itisilerneqarnissaa aallarniutigalugu ataatsimiititaliamit kissaatigineqarpoq?

Akissut:

Ulloq 17. november 2022 Ilaqutariinnermut Peqqissutsimullu Ataatsimiititaliap apeqqu-taanut Naalakkersuisut ataanut akissuteqarput. Siunnersuummik piviusunngortitsinissamat kingusinnerpaamik UPA2024 killiliunneqarsimappat UKA2022/30/89-ip allannguutissatut siunnersuusiorfigineqarnissaanut AIS23-mi sooq aningaasanik pingaarnersiuisoqarnissaa kissaatigineqarner-soq naatsumik nassuiaammik itisiliisoqarnissaa ataatsimiititaliamit kissaatigineqarpoq. Naalakkersuisut ima akissuteqaateqarput:

"Meeqqat inuusuttunullu tarnimikkut nappaatillit atugaat meeqqanik inuusuttunullu tarnimikkut nappaatillit atugaasa nukittorsaasoqarnerisigut pissutsit tamakku pitsanngorsarneqartariaqartut Naalakkersuisut nalilipput. Taamaattumik 2023-mut Aningaasanut inatsimmi aningaasanik ilaatigut meeqqat inuusuttunullu tarnimikkut nappaatillit katsorsarneqartarnissaminut utaqqisartut utaqqisarnersa sivikillineqarnissaannut atorneqassapput. Ilaatigut qulaajaanissamat sivikinnerusumik utaqqisarnert pingaaruteqarput, taamaalillutik meeqqat inuusuttuaqqallu sukkanerusumik eqqortumik ikiorsinnaaniassagsigiti.

Meeqqanik inuusuttuaqqanillu tarnimikkut nappaatilinnik pingaarnersiuisoqartariaqarnerata saniatigut Peqqinnissaqarfimmi tarnimikkut napparsimasut pingaarnermik ineriartortitsinissamik pisariaqartitsisoqartoq Naalakkersuisut nalilerpaat. Taamaattumik UKA2022/30/89-mut Naalakkersuisut allannguutissatut siunnersuummik saqqummiussa-qarput, tassani kingusinnerpaamik UPA2024-mut ineriartortitsinissamik pilersaarut saqqummiunneqassaaq, tarnimikkullu napparsimasut pitsaanerusumik

*sumiissusersineqartarnissaat, qulaajaaffigineqartarnissaat
katsorsarneqartarnissaallu pillugit suliniutissatut siunnersuutininik
saqqummiussisoqassalluni."*

Siusinnerusukkut akissuteqaammi soorlu takuneqarsinnaasoq 3 mio. kr.-nit meeqqat inuusuttullu tarnimikkut nappaatillit immikkoortortaqaarfiani utaqqisut ikilisinneqarnissaanut eqqarsaatigineqarput. Ilaatigut AI2023 allassimavoq:

*Meeqqat tarnimikkut nappaatillit suliniarfigineri
Ukiumul 3 mio. kr.-nik aningaasaliisoqartassaaq. Nunatsinni meeqqat
inuusuttullu tarnikkut napparsimasut ilaatigut sulisussanik amigaateqarneq
pissutigalugu ilungersunartorsiorput. Tarnikkut napparsimasut
immikkoortortaqaarfianni meeqqat inuusuttullu 150-it missaanniittut
isumagineqarput, ukiumullu 125-t nutaat innersuuneqartarumaartut
naatsorsuutigineqarpoq. Meeqqat inuusuttullu tarnikkut napparsimasut
unitsinneqanngikkaluarlutik misissorneqarnissaat qaammatini qulingiluani
utaqqisinneqartarput. Taamaattumik neriuutiginarpoq, meeqqanut - aamma
inuusuttunut tarnikkut nappaatit pillugit misissorneqarsinnaanerannut - aamma
katsorsarneqarsinnaanerannut neqeroorutiit annertusinissaat. Tamatuma
saniatigut meeqqat inuusuttullu tarnikkut nappaammik ajornartorsiutillit sullilu
peqqinnissaqarfimmu saaffiginnissimangitsut taamaasillutillu tarnikkut
nappaatillinnik sullissisunit suliarineqalersimangitsut imaluunniit
suliarineqalernissaminut utaqqisut kisitsisaatigineqanngillat. Taamaattumik
najukkanut ornigulluni sulinermik suliniut ilaqartariaqarpoq.*

Tamatuma kingorna Naalackersuisut misissueqqisaarnermik suliaqartartoq avataaneersoq peqatigalugu tarnimikkut nappaatillinnik sullissinermi ineriartortitsinissamut pilersaaruserneq pillugu Naalackersuisut isumaqatiginninnialersimapput. Suliniutip 2023-mi ukiup affaani siullermi aallartinneqarnissaa aammalu 2024-p aallartinnerani naammassineqarnissaa naatsorsuutigineqarpoq.

- 2. Ulloq 20. februar sassartitsinermi aningaasat immikkoortinneqarsimasut suli atorineqarsimangitsut ataatsimiititaliamit paasineqarpoq. Atorfiit inuttassarsiorneqarsinnaannginnerinik, atorfiit inuttalernerneqarnissaanut aningaasarsiaasaqartitsinnginnermik, ASA-llu annertuumik ajornartorsiutaaneramik, aamma peqqissutsimut sullissisunik isumaqatigiissuteqarniarnermi ajornartorsiuteqarnermik tamanna kinguneqarpoq, taamaalilluni suli annertunerusumik sulisussarsiornermi periarfissat unamminarnerulerlutik. Ullumikkornit pitsaanerusumik periuseqarnissaaq pillugu aamma aningaasaliissutigineqartut aningaasallu atorineqarsimanginneri pillugit Naalackersuisoq nassuiaaqquneqarpoq.**

Akissut:

Peqqissutsimut Naalackersuisoq ulloq 20. februar Ilaqutariinnermut Peqqissutsimullu Ataatsimiititaliamik ataatsimeeqateqarpoq, ilaatigut meeqqat inuusuttullu tarnimikkut nappaatillit immikkoortortaqaarfianni killiffik pillugu ilisimatitsissuteqarniarluni. Nunatta Nakorsaaneqarfia, Peqqinnissaqarfiup qullersaqarfia aamma tarnimikkut nappaatillit immikkoortortaqaarfianni aqutsisut ataatsimiinnermi aamma peqataatinneqarput.

Meeqqat inuusuttullu tarnimikkut nappaatillit sullinneqarnissaminut utaqqisarnerisa sivikillisinneqarnissaanut 3,0 mio.kr.-t AI2023-mut aningaasaliissutit sulii atorineqarsimangitsut ataatsimiinnermi erserpoq. Soorlu AI2023-mi allassimasooq, 20.11.70-mut Suliniutit nutaanut sillimmatit missingersuutit immikkoortiternerini, naatsorsuutigineqarpoq 2023 ingerlanerani atugassanngortinneqassasut.

Peqqissutsimut Naalakkersuisoqarfimmi aningaasat atugassanngortinneqarnissaanut tunngaviusussamik iliuusissatut pilersaarummik aallartitsinikuvoq. Naatsorsuutigineqarpoq suliaq qanittumi kingusinnerpaamillu UPA2023 nallertinnagu naammassineqassasooq. Sulisussat killeqarnerat 2023-illu aallartinnerani suliasat pingaarnersioartariillit peqqutigalugit tamanna siusinnerusukku pisinnaasimangilaq.

Meeqqat inuusuttullu tarnimikkut nappaatillit immikkoortortaqaarfianni utaqqisut ikilissinnaajumallugit sulisut pisariaqartinneqartut atorfinnissaannut Peqqinnissaqarfik tamaviaarluni ataavartumik sulivoq. Sulisussarsiornikkut inuttaqarniarnikkullu pissutsit pitsanngorsarnissaannut suliniutit itisilernerannut tunngatillugu apeqqummut 6-imut akissut ataani takuuk.

3. Piviusunngortitsinissamut aporfeqarnerisooq pillugu nassuiaasooqarnissaanik Naalakkersuisooq qinnuigineqarpoq:

- siunnersuutaqqaartut, tassalu immikkoortut 30, 78 aamma 89
- Naalakkersuisut namminneq allannguutissatut siunnersuutaat

Matumani tarnimikkut nappaatilinnik sullissinnermi sulisussanik/ imaluunnit aningaasanik/napparsimasunut tamanut atuuttumik immikkut iliuusissanik ineriartortitsinissamut nukiiit amigaataanerat eqqarsaatigalugu?

Akissut:

Naalakkersuisut isumaqanngillat ineriartortitsinissamut pilersaarusiornermut tunngatillugu UKA2022/30/89-imut allannguutissatut siunnersuutit piviusunngortinnissaanut annertuumik aporfeqassasooq. Siuliani apeqqummut 1-imut akissummi allaaserineqartutut tamatumunnga aallarniutaasumik suliaqarneq aallartinneqareerpoq, taamaalilluni UPA2024-mi saqqummiunneqarsinnaassaaq.

AI2023-mi meeqqat inuusuttullu tarnimikkut nappaatillit sullinneqarnissaminut utaqqisarnerisa sivikillisinneqarnissaanut ukiumut 3,0 mio.kr.-t kiisalu Dronning Ingridip Napparsimmavissuani nuna tamakkerlugu meeqqanut immikkoortortamik pilersitsinnermut ukiumut 8,7 mio.kr.-t aningaasat immikkoortinneqarsimasut UKA2022/78-mut allannguutissatut siunnersuummut piviusunngortitsinissamut tapiutaassapput.

Tarnimikkut napparsimasut immikkoortortaqaarfianni inuttaqarniarnikkut pissutsit pissutigalugit UKA2022/78-imi aallaqqaammut aalajangiiffigisassatut siunnersuutit piviusunngortinnissaanut aporfeqartoq Naalakkersuisut naliliipput. Allatut oqaatigalugu siunnersuummi oqaatigineqartutut tarnimikkut

nappaatilinnik sullissinermi sulisunik suleqatigiissitamut ilanngussinissaq ajornakusoorpoq. Periarfissatut allatut sulisut misilittagaat tarnimikkut nappaatilinnik sullissinermut ineriartortitsinissamut pilersaarummut ilanngunneqarsinnaapput, soorlu tamanna UKA2022/30/89-imi allannguutissatut siunnersuuteqarnermi allaaserineqartoq, taannalu avataanit suleqataasartumit suliarineqarpoq.

Siunnersuummi allaaserineqartutut piffissaliussap sivikinnera eqqarsaatigalugu 2022/89-ip aallaqqaammut aalajangiiffigisassatut siunnersuutip piviusunngortinnissaanut aporfeqartoq Naalakkersuisut naliliipput. Taarsiullugu tarnimikkut nappaatilinnik sullissinermut ineriartortitsinissamut pilersaarutip UPA2024-mi saqqummiunneqarnissaa naatsorsuutaavoq.

4. Siunnersuutigineqartut piviusunngortinneqarnissaannut aningaasat amigaataasimanersut imaluunniit siunnersuutigineqartut piviusunngortinneqarnissaannut sulisunik amigaateqarneq pissutaanersoq pillugu Naalakkersuisoq nassuiaaqquneqarpoq?

Akissut:

Apeqqummut 3-mut akissutaani allannguutissatullu siunnersuummut UKA2022/78-mi allaaserineqartutut peqqinnissaqarfimmi meeqqat inuusuttunullu qulaajaavigineqartarnerisa katsorsarneqartarnerisalu pitsanngorsarnissaannut AI2023-mi meeqqat inuusuttullu tarnimikkut nappaatillit sullinneqarnissaminnut utaqqisarnerisa sivikillisinneqarnissaanut ukiumut 3,0 mio.kr.-t kiisalu Dronning Ingridip Napparsimmavissuani nuna tamakkerlugu meeqqanut immikkoortortamik pilersitsinermut ukiumut 8,7 mio.kr.-t aningaasat immikkoortinneqarsimapput. Utaqqisarnerup sivikillineqarnissaanut misissueqqissaarneq aamma aningaasaqarnikkut naatsorsuutinik nassuiaasiorneq imaluunniit tarnimikkut nappaatilinnik sullissinermi pingaarnertut ineriartortitsinissamik pilersaarusiornissamut AI2023-mi aningaasanik immikkoortitsisoqarnikuunngilaq. Taakkua Peqqissutsimut Naalakkersuisoqarfiup sinaakkutissatut aningaasaliissutit iluanni aningaasaliigivineqarnissaat naatsorsuutigineqarpoq.

Peqqinnissaqarfimmi suliniutit Aningaasanut inatsimmi aningaasaliissutaasunit matussuserneqarsinnaanerat nalilerneqarpoq. Taamaatorli inuttaqarniarnikkut inissisimaneq ataavartuortoq UKA2022/30/78/89-mi siunnersuutigineqartut ilaannut piviusunngortitsinissamut sunniuteqarsinnaapput. Assersuutigalugu inuttaqarniarnikkut inissisimaneq meeqqat inuusuttullu tarnimikkut nappaatillit sullinneqarnissaminnut utaqqisarnerannut sivikillisinneqarnissaanut sunniuteqarsinnaavoq.

5. Immikkoortuni 30 aamma 89 siusinnerusukkut suussusersiniaanermik siusinnerusumik piffissaatillugulu ikiorsiisarnissap sammineqarnissaa pineqarput. Suliassaqarfiiit akimorlugit suleqatigiinnermut tunngatillugu pitsaanagerusumik Naalakkersuisut qanoq qulakkeerinninniarpas, pingaartumik napparsimavinnut perorsaasutut ilinniarsimasunik

ikiorserneqarnissamut pisinnaatitaaffeqarnermut, MISI aammalu meeqqat atuariiik suleqateqarnermut tunngatillugu?

Akissut:

Peqqinnissaq pillugu Ataatsimiititaliarsuup isumaliutissiisutaanut UPA2023-mut saqqummiunneqarnissaanik naatsorsuutigineqartumut Naalackersuisut innersuussipput. Naatsorsuutaavoq isumaliutissiisut peqqinnissaqarfiup, kommunit suleqatigisartakkallu allat attuumassuteqartut akornanni suleqatigiinnerup pitsanngorsarnissaanut kaammattuutinik imaqqassasoq.

Tamatuma saniatigut Naalackersuisut UKA2022/30/89-imut allannguutissatut siunnersuummi saqqummiussipput tarnimikkut nappaatilinnik sullissinermut, ilaatigut pitsaannerusumik paasiniaanissamut, qulaajaanissamut katsorsaannissamullu tunngatillugu siunnersuutinik imaqartussamik ineriartortitsinissamut pilersaarusiortoqqassasoq. Tassani aamma susassaqrifiit akimorlugit suleqatigiinnermi pitsanngorsaataasinnaasunik misissuinissaq tulluarsinnaavoq.

- 6. Peqqinnissaqarfiup ilinniarsimasunik sulisussarsiornerani unammilligassat aammalu sassartitsinermut atatillugu Naalackersuisup oqaatigaa pingaarnersiunerme nalunaarsuiffik ersarissaq pillugit qaqugu tamanut nalunaarutiginnissaat qaqugu pinissaa Naalackersuisut naatsorsuutigaa? Taama nalunaaruteqarnissaq siunissamilu suliniutaasussanut, aalajangiiffigisassatullu siunnersuutinut pineqartunut siunertarineqartunut qanoq sunniuteqassava?**

Akissut:

Peqqinnissaqarfimmi sulisussarsiornermik unammilligassat pillugit Naalackersuisut ulloq 3. marts 2023 tusagassiorfinnut nalunaarummi ilisimatsissuteqarput. Tassani takuneqarsinnaavoq peqqinnissaqarfimmi ajornartorsiutit qaangerniarlugit suliniutit aalajangersimasut pingasut aallartinneqartut.

- 1) Kalaallit Nunaat tamakkerlugu nakorsanut taartaasartunullu ikorfartuinermit qulakkeerinnittussamik nakorsat immikkut ilisimasallit aalajangersimasut pigaartuusarnissaannik aqqissuussinissaq sulissutiginiarneqarpoq.
- 2) Nunap immikkoortuini nalinginnaasumik sulinerup nukittorsarneqarnissaa sulissutigineqarpoq, taamaalilluni innuttaasut ulluinnarni nappaatiminnik iliuuseqarfiginninniarnernanut atatillugu pisariaqartitaannut tunngatillugu pitsaannerusumik iliuuseqartoqqassammat
- 3) Innuttaasut sapinngisamik piaartumik eqqortumik katsorsarneqarnissaat qulakkeerniarlugu pinasuartumik pilattaasarnertit qitiusumut katersornissaat sulissutigineqarpoq.

Tamatuma saniatigut tarnimikkut nappaatilinnut immikkoortortaqqarfimmi peqqinnissaqarfimmi sulisunut attuumassutilinnut paarlaasarnermut aqqissuussinnaanissamut ikiorneqarnissamik Naalackersuisut danskit naalagaaffiannit oqaloqateqarput.

Tamatuma saniatigut Naalackersuisut paasissutissiisutigisinnaavaat Inatsisartuni ilaasortanik oqalliseqateqarnissamut peqqinnissaqarfimmut

pinasuartumik aningaasaliinissap nutaap saqqummiunnissaa
piareersarneqarmat.

**7. Qulaani taaneqartunut attuumassuteqarsinnaasunik allanik
Naalakkersuisut paasissutissiisinnaappat?**

Akissut:

Pingaarnersuinermut peqqinnissaqarfimmi ineriartortitsinermit tunngatillugu Naalakkersuisoq ataatsimut isigalugu Peqqinnissaq pillugu Ataatsimiititaliarsuup suliaanut (UKA2019-98)-imut, UPA2023-mi saqqummiunneqarnissaanik naatsorsuutigineqartumut innersuussivoq. Ataatsimiititaliarsuup peqqinnissaqarfimmi suleriaatsit ataatsimut pitsanngorsaaffiginissaannut innersuussutinik suliaqarpoq, pingaarnertigut sulisussarsiortarnemut, sulisut sulisorineqaannarnissaannut kiisalu Danmarkimi nunanilu allani suleqateqateqarnernut tunngasut. Innersuussutigineqartut peqqinnissaqarfimmi aqqissuusseqqinnissamut Inatsisartunut politikikkut tunngaviliissapput.

Tarnikkut nappaatillit immikkoortortaqaafianni unammilligassaq aamma kapitalimi immikkut ittumi ataatsimiititaliarsuup isumaliutissiisutaani eqqartorneqassasoq naatsorsuutaavoq.

Med venlig hilsen
Inussiarnersumik inuulluaqqusillunga

Mimi Karlsen

